


Bibël për fëmijët
paraqet

Jozueu
Merr
Drejtimin



Shkruar nga: Edward Hughes
Ilustruar nga: Janie Forest
Adaptuar nga: Ruth Klassen
Përkthyer nga: Arianit & Valbona Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2013 Bible for Children, Inc.


E drejta e kopjimit: Mund të bëni kopje ose ta shtypni këtë histori,
nëse nuk do ta shitni.



Moisiu kishte vdekur. Tani,
Jozueu e dinte që Perëndia e
kishte zgjedhur atë për të
drejtuar Izraelitët. Përpara se
Jozueu të përgatiste ushtrinë e
tij, ai duhej të përgatiste veten.
Perëndia i premtoi Jozueut
fitore dhe mbarësi në
Vendin e Premtuar,
nëse populli do ti
bindej gjithmonë
Fjalës së
Perëndisë.



Izraelitët premtuan të ndjekin
Jozueun dhe ti bindeshin



gjithmonë Fjalës
së Perëndisë.
Urtësisht,
udhëheqësi i ri
dërgoi spiunë në
Kanan për të
studiuar mbrojtjen
e qytetit të madh
të Jerikos.
Beteja e parë e
Izraelit do të
luftohej
atje.






Dikush, i tha mbretit të Jerikos që spiunët ishin në qytet. Ai, dërgoi ushtarët e tij për ti gjetur. Kërkimi filloi tek shtëpia e Rahabit, ku spiunët ishin fshehur. Ushtarët i ranë derës së saj me grushta. Shpejt, Rahabi i fshehu burrat nën ca li të thatë.




Kur ushtarët u larguan,
Rahabi përdori një
litar të purpurt për
ti zbritur poshtë të
sigurt, jashtë mureve
të qytetit spiunët.
Përse i ndihmoi ajo
spiunët? Sepse ajo
e dinte që Perëndia
ishte me ta. Ajo
donte që Perëndia ta
kursente jetën e saj.
Spiunët premtuan ta
shpëtojnë Rahabin
dhe familjen e saj.




Përpara së të arrinin në Jeriko, Izraelitët duhet të kalonin lumin Jordan, për të shkuar në Vendlin e Premtuar, në Kanan. Por nuk kishte një urë! Si do të kalonin njerëzit?




Perëndia i tha Jozueut, se priftërinjtë duhej ti prinin ushtarëve dhe popullit, duke mbajtur arkën që kishte brenda Dhjetë Urdhërimet. Kur këmbët e priftërinjve prekën bregun e lumit, Perëndia bëri një mrekulli. Perëndia hapi një shteg të thatë në mes të ujit.




Pasi i gjithë populli kaloi i sigurt, ata vendosën dymbëdhjetë gurë në shtratin e lumit dhe dymbëdhjetë gurë të tjerë në bregun e lumit në Kanan. Këto ishin përkujtime, që do të ndihmonin popullin t'i mësonte fëmijëve fuqinë e madhe dhe dashurinë e Perëndisë.





Jeriko kishte mure të fortë dhe të trashë. Ndërsa Jozueu bëri planin e sulmit, Perëndia dërgoi Komandantin e ushtrisë së Tij nga qielli, për ti kujtuar drejtuesit të ri, që Perëndia fiton betejat për popullin e Tij.







Perëndia i tregoi Jozueut si të sulmonte Jerikon. Ishte një plan shumë i çuditshëm. Njerëzit e Perëndisë duhej të marshonin rreth qytetit një herë në ditë për gjashtë ditë, dhe shtatë herë në të shtatën ditë. Pastaj, ata duhej tu binin trumpetave dhe të bërtisnin, dhe muret e qytetit do të rrafshoheshin.



Jozueu dhe ushtria e tij bënë pikërisht ashtu siç Perëndia i kishte urdhëruar. Mbase, njerëzit në Jeriko talleshin me ta. Por, pas marshimit të shtatë në të shtatën ditë, priftërinjtë u ranë borive prej brirëve të deshve. Dhe pikërisht si Perëndia kishte premtuar ...



MURET E MËDHA
TË JERIKOS
U SHEMBËN!






Vetëm shtëpia e Rahabit
përmbi mur ishte e sigurt.
Ajo, e kishte lënë litarin e
purpurt të varej prej
dritares së saj.





Shpejt, njerëzit e Jozueut,
e nxorrën nga qyteti Rahabin
dhe familjen e saj. Pastaj
Jeriko u shkatërrua,
pikërisht ashtu si
Perëndia kishte
urdhëruar.





Solemnisht, Jozueu,
dedikoi për shërbimin
e Perëndisë, arin, argjendin
dhe thesaret e Jerikos. Pastaj,
ai shqiptoi një mallkim, përmbi këdo
që do të rindërtonte qytetin e lig.





Shpejt, çdokush në Kanan,
e dëgjoji sesi Jozueu e
kishte mposhtur Jerikon.
Ata e dinin, që Perëndia
ishte me njerëzit e Tij.



Jozueu Merr Drejtimin

Një tregim nga Fjala e Perëndisë, Bibla


e marrë nga

Jozueut 1-6

"Zbulimi i fjalëve të tua ndriçon dhe u
jep mendje njerëzve të thjeshtë."

Psalmet 119:130





13

60



Ky tregim nga Bibla na tregon për Perëndinë tonë të
mrekullueshëm i cili na krijoi dhe dëshiron që
ne ta njohim Atë.

Perëndia e di që ne kemi bërë gjëra të këqija, të cilat Ai i quan
mëkate. Dënimi për mëkatin është vdekja, por Perëndia ju do juve
aq shumë sa që dërgoi Birin e Tij të vetëm, Jezusin, që të vdesë në
Kryq dhe të dënohet për mëkatet tuaja. Pastaj Jezusi u ringjall
dhe u ngrit lart në Qiell! Nëse beson në Jezusin dhe i kërkon Atij
të t'i falë mëkatet e tua, Ai do ta bëj atë! Ai do të vijë dhe do të
jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu:
Jezus i dashur, unë besoj se Ti je Perëndia i bërë njeri për të
vdekur për mëkatet e mia, dhe që Ti u ngjalle sërish. Të lutem,
eja në jetën time dhe fali mëkatet e mia, në mënyrë që unë të kem
jetë të re dhe një ditë të jem me Ty, përgjithmonë. Më ndihmo,
të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

